



UNIVERSITÄTS-  
BIBLIOTHEK  
PADERBORN

**Exercitia S. P. Ignatii Via Ad Salutem Et Perfectionem  
Propriam & alienam, Tuta & perpetuo tenenda**

**Ignacio <de Loyola>**

**Hildesii, 1713**

**VD18 13664689**

Appendix De Exercitiorum S. Patris Ignatii

---

[urn:nbn:de:hbz:466:1-60348](https://nbn-resolving.org/urn:nbn:de:hbz:466:1-60348)



A P P E N D I X

D E

E X E R C I T I O R U M  
S. PATRIS IGNATII

U S U & P R A X I P E R P E T U A .

**F**undamentum salutis, perfectionis, imò & sanctitatis posuit, qui Exercitiis S. P. Ignatii ad octiduum aut amplius, sedulò animum excoluit. Fundamentum jactum, qui statim, aut paulatim deserit, ad ædificii ultimam manum, ad salutem & perfectionem nunquam perveniet. Necessarium itaque est, ut aut in ipso Exercitiorum decursu, aut proxima die post illa, concipiat sibi quisque, ac præscribat eam praxin quotidianam, quâ & exerceat vitæ melioris facta proposita, & illud perpetuò certòque prosequatur, quod in præfatione Spho primo diximus, esse Exercitiorum quandam epitomen; scilicet, *primò*: Ut semper ad scopum Exercitiorum contendat, qui est abstinere ab omni peccato mortali & veniali, atque ad omne Dei, perfectumque obsequium agendo & patiendo conniti. *Secundò*: Ut hoc agat ex motivis conceptis per Exercitia, amore finis ultimi, amore & exemplo Christi, per amorem & unionem cum Deo. *Tertiò*: Ut constanter & ritè adhibeantur instrumenta perfectionis à S. Ignatio præscripta, qualia sunt Meditatio,

Examen Conscientiæ, Lectio, Sacramentorum frequentatio &c. Praxis illa esse potest ad modum sequentem.

NB. In sequentibus, cum citatur aliquis locus Exercitiorum; litera *d.* diem significat: *m.* meditationem: *p.* punctum: *conf.* considerationem.

§. I. MUS. *Omni Anno.*

Inprimis elapso circiter ab obitis Exercitiis anno, redeundum est ad fontem & secedendum tantisper ab omnibus aliis negotiis & cogitationibus; dum per octiduum se animus denuò totum occupet, Exercitiorum ope, ad expiandos anni elapsi multos errores & peccata (habent enim Exercitia in domibus Societatis JESU beneficium, plenariæ, uti vocamus, Indulgentiæ) simulque ex veritatibus de novo expensis, vitam & fervorem ad amissum Exercitiorum instauret.

§. 2. DUS *Omni Mense.*

Perutile erit, seligere unum sibi è toto mense diem (is esse posset, quo Indulgentia aliqua plenaria habetur V. g. Communionis generalis) eoque die, præmissâ quâdam sui spontaneâ afflictione placandi numinis gratiâ, ex motivis & veritatibus Exercitiorum exigere à seipso totius elapsi mensis rationes; atque etiam quâ accuratione servaveris ea, quæ infra dicentur de Exercitiorum praxi quotidianâ; ac demum conciliato enixè Deo, perfectiora in mensem proximum proponere.

§. 3. TIUS *Omni Hebdomade.*

*Primò*: Videtur ad refricandos Exercitiorum  
stimulos

stimulos, & perfectè vivendum maximè profu-  
 turum; si diebus septimanæ singulis, assignentur  
 singuli dies Exercitiorum, ita ut quovis die ex  
 veritatibus diei correspondentis animum promo-  
 veas identitem breviter, actionésque bene insti-  
 tuas: si *Diei Luna* assignes diem primum & secun-  
 dum de fine hominis, cogitésque ad omnem pe-  
 nè actionem; esse eam tibi tam perfectè insti-  
 tuendam, quanta justitia, necessitas, utilitas, ho-  
 nor, delectatio, sublimitas finis ultimi, pro hac  
 & æterna vita Deo & tibi. *Die Martis* ex die  
 tertio Exercitiorum, tantâ perfectione obeundæ  
 actiones omnes, quantam merentur gravia, plu-  
 rima & innumera peccata tua; útque omne opus  
 sit fructus dignus pœnitentiæ. *Die Mercurii*; ex  
 die quarta Exercitiorum tam perfectè omnia  
 agere, ut sint ad purgatorium evadendum, ad  
 mortem & judicium Dei vicinum digna præpa-  
 ratio. *Die Jovis*: ex die quinta; ut omne opus  
 sit ad prototypon amati salvatoris; & ad ejus gu-  
 stum mereatur dici actio Christi. *Die Veneris*:  
 Ex die septima: ut omnis actio sit Christi Dei mo-  
 rientis, memor gratâque imitatio. *Die Sabbathi*:  
 Ex die octavo, ut omnis actio sit vitæ gloriosæ  
 imitatio, dignâque ut nullam à morte patiaris  
 moram ingressurus ad gloriam. *Die Dominico* ex  
 die octavo: ut omnis actio respondeat exactè  
 (quantum fieri potest) Dei in te beneficiis, magno  
 amor, magnis perfectionibus Dei, in ejus præ-  
 sentia & unione.

N 3

Secundo:

*Secundo:* Cùm plurimùm faciat ad magnam æstimationem omnium materiaram vitæ spiritua-  
lis, congruùmque affectum, si habeatur magna  
quædam & altissima Dei æstimatio, uti dictum  
est die 8. Conf. pag. videtur ad eam conse-  
quendam æstimationem valde proficuum; adhi-  
bere hanc praxin, ut quovis die Dominico assu-  
mas unam Dei perfectionem (earum sunt assigna-  
tæ 52. pro singulis Dominicis una: fol. ) eamque  
exaggeres juxta s̄phum secundum eadem Conf.  
pag. Deinde ex eadem exaggeres præcipua  
Exercitiorum capita, V. g. Si sumpseris illam per-  
fectionem, quâ Deus dicitur *summus*. Ex hoc  
agnoscas, *summam* esse necessitatem finis ultimi,  
divinique obsequii, *summam* malitiam peccati;  
*summum* rigorem Judicis Dei; *summam* excellen-  
tiam & amabilitatem Christi Dei; *summam* felici-  
tatem amoris & amicitiae Dei &c. porrò etiam  
ad singula quæque debet animus ad affectus *sum-  
mos* conniti, summùmque in omnibus obsequium.  
Fieri posset hæc consideratio ante, aut post sacram  
Communionem sive Sacrificium. Eadem porrò  
æstimatio deberet per septimanam frequenter,  
præsertim in rebus sacris obeundis, vincendis  
tentationibus, ac etiam operibus fervari animo,  
eùmque movere.

*Tertio:* Omni septimanâ studioso perfectionis  
minimùm semeladeundum est Sacramentum pœ-  
nitentiæ (quamvis frequentius adire illud debeat,  
qui aut sacram synaxin aut Sacrificium Missæ sæ-  
piùs celebrat) illud secundùm Exercitia adiri pos-  
set hoc modo:

*Primò:*

*Primò*: Sit desiderium conatûs, ac studium sedulum rectè percipiendi hoc Sacramentum; acui hoc multùm potest; si præmissis aut mixtis actibus fidei, & spei, & posito ante oculos fine tuo cogites, quàm necessarius eximiûsque est finis, tam necessariò ad eum, tantòque conatu redeundum est, cum deflectas scèpissimè d. 1. &c. Deinde quàm damnata & periculosa sunt peccata; etiam levia d. 3. quàm tremendum iudicium & pœnæ, quàm vicina & periculosa mors d. 4. quàm prompta Christi gratia & passio. Quanta felicitas placere Christo d. 5. 6. 7. amare & uniri Deo; Amari à Deo & sine mora cœlo excipi, & complexu Dei amantis, ex die octava. Ex horum consideratione & desiderio adhibendus est magnus conatus, petendâque magna gratia divina, ad hoc Sacramentum valde perfectè suscipiendum, magno fructu puritatis, gratiæ, auxiliorum, emendationis & profectûs, & quidem rerum particularium. *Secundò*: Modus examinandi conscientiam desumitur ex praxi S. Ignatii med. 2. die 3. *Tertiò*: Confusio, odium, dolor & propositum. desumatur ex omnibus motivis & affectibus diei tertiæ & 4tæ. Item ex præstantia neglecti finis, ex motivis amandi Christum die 5. 6. 7. ex beneficiis & perfectionibus Dei die 8. Confusio verò & dolor, non ideo minor, sed major esse debet; si pauca tibi peccata occurrant; Tantò enim peior es; cum certò sæpe labaris & tamen non agnoscas. *Quartò*: Denique post absolutionem dicendæ gratiæ amori Dei & sanguini agni nos mundantis.

Atque etiam præter pœnitentiam sacramentalem, indicere oportet sibi aliqua, pœnas peccatorum reiiduas non obiter expiatura: item proponere & statuere, quâ ratione damnum gratiæ, perfectionis & gloriæ per peccata illatum tibi ac Deo multum compenietur.

*Quarto:* Ad quamvis hebdomadem spectat unica saltem sacra communio; juxta Exercitia possumus ad illam accedere modo & praxi sequenti.

*Primò:* *Ante Communionem* præparatio solet præmitti per actus internos: ij sunt fides magna, æstimatio, amor, desiderium magnum, & spes; in spe, magna demissio sui: expurgatio à peccatis minimis cum dolore & confusione. Intentio, invitatio & obsecratio Christi: Imploratio Dei, B. Virginis & Sanctorum.

Hi actus vix poterunt melius exerceri, quàm ex veritatibus & affectibus Exercitiorum; & quidem ex *prima & secunda die*, per fidem crede & æstima cum gaudio, quemadmodum finis tui assequendi summi est necessitas & felicitas; ita nullum melius & efficacius medium Deus dedit, quàm S. Communionem, omnium rerum supernaturalium (V.g. mortis & meritorum gratiarumque Christi &c.) aut compendium aut fontem. Nam non potes melius aliquid offerre Deo ad contestandum laudem, amorem, reverentiam & servitium tuum, quàm Christum, quem accipies & offeres ut tuum: non potes prosequi Deum melioribus affectibus quàm tuos uniendo: auges etiam gratiam sanctificantem (quâ auctâ crescet & amor

in

in æternitate & pretium actuum deinceps omnium  
 in vita laudis, amoris &c.) per fontem tibi uni-  
 tum gratiæ: non potes discere melius modum lau-  
 dandi, amandi &c. quàm à præsentè Christo:  
 Non potes melius impetrare gratiam rectè lau-  
 dandi & amandi, quàm oblato Christo &c. Non  
 potes conciliare & obtinere melius gratiam per-  
 severandi in laude & amore &c. quàm virtute  
 præsentis & oblati Christi: nihil habes melius ad  
 hæc omnia tum pro te, tum pro multis aliis animab<sup>9</sup>.

Ex hac fide & æstimatione, nascitur deinde  
 magnum desiderium (quod desiderium, quidam  
 suadent, pro rei magnitudine non modico solum  
 spatio, sed aliquot diebus præmittendum, ut sit  
 continuum, usque ad sumptionem) certa spes, &  
 actus cæteri, qui omnes ex hac æstimatione &  
 desiderio auferent. Humilitas verò & demissio,  
 quæ semper erit & tendere debet in commenda-  
 tionem puræ bonitatis & benignitatis divinæ, su-  
 mi potest ex confid. diei 1. & die tertiâ de pecca-  
 tis. Simili modo æstimatio, desiderium & inten-  
 tio sumi potest ad expurgationem, expiationem,  
 emendationem peccatorum, *ex die tertia*: ad præ-  
 parationem ad mortem *ex die quarta*: ad amorem  
 & imitationem Christi amantis, *ex die 5. 6. 7.* ad  
 unionem magnam & intimam cum Deo, quæ hu-  
 jus Sacramenti finis est, *ex die octava*. Atque hæc  
 possunt pro otio aut sumi omnia, aut pro iis, qui  
 celebrant indies sumi unum tantum per totidem  
 septimanæ dies, quibus cætera obiter, unum at-  
 tentius ad desiderium & affectum omnem expen-

datur. Usurpari etiam potest praxis considerationis d. 8.

Secundò: *Sub Communionem* debet animus his affectibus, præsertim fidei, desiderii, spei, intentionis, humilitatis, amoris, admirationis, gaudii, unionis, oblationis &c. quasi perseverantibus occupatus esse.

Tertiò: *Post Communionem*. 1. Exerceri debet fides, in magna admiratione, gaudio & gratitudine de certitudine veritatis divinæ & præsentia Christi; maxime verò ad illud bonum consequendum, de quo desiderium fuit ante Communionem num. 1. (applicetur idem Sacrificio Missæ) 2. Spes in magna admiratione & gaudio de infinita bonitate, & fidelitate promittentis & præsentis Christi, ad ea consequenda, quæ desiderabas n. 1. & desideras. 3. Ex hac certitudine magna demissio, dolor de nimis modico relato per te fructu, adoratio, familiare alloquium, gratiarum actio, & amor Christi, in mutua facultatum, rerum & operum communicatione die 8 med. 2. amor, qui augeri debet ex una perfectione divina per alias exaggeratâ, communicatâ humanitati juxta Confid. die 8. pag. Amor per actus magnos ex die 5. m. 1. d. 8. conf. 4. Alloquere familiariter, expone totum cor, statum & ipsum loquentem, necessitatem tuam audi & consule; quidnam ipsi in te displiceat emendandum seu vitam communem, seu vocationem, seu officium concernat: in quo & quomodo proficere & ad ejus amorem, imitationem, unionem multum possis.

possis. Hoc statue, offer, magnam gratiam pete à Christo, per Christum à Deo, B. V. Sanctis. 5. Unitus Christo & cum ipso & per ipsum exerce actus erga omnes, quibus debes, ac imprimis Deo Ss. Trinitati, laudem, amorem, venerationem, obsequium servitii, & abnegationis perpetuæ, oblationis &c. pag. Actus gratiarum, conciliationis, compensationis pro neglectis, petitionis &c. Erga B. V. laudis, amoris, gratulationis &c. conf. d. 8. Erga sanctos Patronos & omnes Sanctos, ut in Christo ejusque affectu, tu his etiam multum placeas & gaudium præstes, conf. d. 8. 6. Multa petitio cum Christo per Christum, à Deo & Sanctis, ad varia tibi impetranda, maxime spiritum & finem Exercitiorum S. Patris Ignatii. 7. Multa petitio pro multarum animarum salute & perfectione, vivis & defunctis, maxime quibus obligaris. Item ex quorum vita & factis aliorum salus adjuvatur.

*Anima Christi. Pater, Ave.*

*Quinto:* Ad quamvis hebdomadem spectat constituere sibi in certos dies opera expiatoria, quibus & melius Deo placeas, & post mortem non detinearis à facie Dei, plectendus in purgatorio. Vide die 3. Confid. pag.

*§. 4tus Omni Die.*

I. *Prima evigilantis cogitatio* hæc suaderi solet ex Ps. 62. *Deus Deus meus, ad te de luce vigilo.* Exercitiorum peritus ea sic intelliges; ut per nomen Dei repetitum alloquaris duplicem Dei bonitatem, alteram, quâ ipse excellentissimus & beatus

tus

tus est, alteram quâ tibi benevolentissimus tua felicitas est. *Ad te* laudandum, amandum, venerandum, serviendum, nunc & æternum cum plurimis aliis, evigilo. *de Luce*: Lux est Jesus, ad fidem, spem, per merita & exempla ad omnem perfectionem vigilo, per ipsum & cum ipso & in ipso omnia facturus; *vigila*. Memoriâ, intellectu & voluntate, perpetuâ quâdam unione ad laudem, amorem & obsequium Dei vigilaturus. En in prima diei cogitatione Exercitiorum Compendium. His cogitationibus & desideriis, uti & recolendâ meditationis materiâ pergat animus occupari.

II. *Pietas & intentio matutina* melior esse non potest, quàm si hoc agas, intendas, proponas & petas, ad quod à Deo es creatus, & vocatus: scilicet laudare Deum, amare, revereri & servire magno affectu incipias, idque in omnia diei momenta & intendas & statuas & petas. Vide conf. diei secundæ pag. Adde amorem Christi & intentionem agendi ad imitationem ejus die 5. med. I Conf. diei 7. pag. aut compendio sume praxin, intentionem & propositum versandi semper in æstimatione, unione, obsequio præsentis Dei, ex med. & confid. diei 8. adde officii obligationem App 2. II.

III. *Examinis particularis* Melior materia esse non potest quàm Exercitiorum; ad initium vitæ spiritualis ex via purgativa assumi possent expurganda ea peccata, passionis aut consuetudines, quæ vel frequentiora, vel aliorum radix &c. aut occasio,

casio, vel aliis scandalo sunt &c. posset deinde sumi Exercitium bonæ intentionis, semper agendo ex amore solius finis &c. similiter aliæ materiæ; V. g. una conclusio practica meditationis, una pars considerationis practicæ. *Modus* sit, ut in puncto primo (vide præfationem paginâ ) dum fit propositum; addatur potens motivum propositi ex ipsis Exercitiis & modus propositi; V. g. in proposito custodiæ oculorum, *motivum* sit, ne oculo extra finem à Deo constitutum aberres; quia creata omnia vel oculo tuo indigna ducis ad divina natus: d. 1. m. 1, 2. d. 2. m. 2. ne aut pecces aut occasionem des, vel remotam peccato; ut expies peccata oculis admiffa d. 3. ut sis Christo similis & carus modesto oculo d. 5. in honorem Christi, cujus oculi pro te velati; d. 7. ut tantò sis aptior ad animum cum Deo uniendum: ut oculi & anima tua tantò perfectiùs olim videant cœlestia: ut Deo & Sanctis tantò meliùs nunc & æternum placeas. d. 8.

*Modus* propterea desumi potest ab exemplo Christi & Sanctorum. Hic modus & motiva per totum diem ad actus observari animo debent, & in discussione esse ad singulos lapsus motivum doloris.

NB. Propositum Examinis particularis firmetur in meditatione, in lectione libri spiritualis, ante & post Sacrificium ad sonitum horæ &c. Porro hæc praxis Examinis particularis, modus est omne vitium superandi, omnem virtutem acquirendi. In Examine particulari ascendendum est per ejusdem vestigia (si de ea examina

men

men est ) diversos gradus V. g. in humilitate, 1. ex cognitione tuæ vilitatis aliisque motivis Exerc. omnem honorem refugere. 2. Contemptum omnem ferre patienter. 3. Ferre libenter cum gaudio. 4. Majorem semper desiderare, quærere & petere contemptum, majori semper voluntate in majori contemptu, afflictione &c.

IV. *Meditationis matutina*, præ omnibus necessaria, modus sit secundum S. Ignatii praxin propositam, tum in præfatione, tum in toto libelli hujus decursu. Materia, reflexio, propositum semper sit secundum aliquam exercitiorum partem ac veritatem practicam.

V. *Oratio vocalis* fiat in Dei Sanctorumque præsentia, in fide de Dei merito, & necessitate, ut nunc & æternum infinite laudetur, ametur &c. d. 1. m. 1. 2. 3. Conf. d. 8. §. 1. 2. in desiderio, spe magnâ, die 2. m. 1. cum intentione laudandi, amandi, adorandi Deum, eique serviendi perfecte in se ipso & Sanctis; in amore & exemplo Christi: d. 5, animo planè unito Deo & Ss. cum actibus Dei, Christi & Sanctorum. Conf. diei 2. d. 8. Conf. §. 3. ut sit digna conciliatio Dei toties offensi, tibi & aliis digna compensatio defectuum: digna sit ad multas gratias tibi & aliis.. impetrandas, ut perfecte in terris, æternum in cœlis à te & aliis multum laudetur Deus. Hoc animo esto attentus ad omnia etiam affectu exprimenda.

VI. *Missæ celebratio vel auditio*: fiat paucis mutatis hoc modo, quo oblatio Christi in Communionem

nione accepti. suprâ §. 3. n. 4. atque ad eum modum fiat Communio spiritualis, si audiatur Missa.

VII. *Omnis actio per diem* in familiari æstimatione & amore Dei, Christi & Sanctorum per fidem ( die 8. confid. §. 1. 2. 3. ) necessitatis & felicitatis ei serviendi d. 1. m. 1. 2. 3. d. 2. confid. &c. in desiderio & spe agendi ad magnum ejus gustum, pro ratione finis, vocationis, officii, ad perpetuam ejus maximamque gloriam die 8. Conf. §. 3. d. 2. confid. in agnitione tui nihili ad agnoscendum & agendum bonum ( Confid. die 1. ) cum meritis, intentione & actione Christi amati & Sanctorum, d. 5. secundum ipsius Dei voluntatem & intentionem Confid. die 8. §. 3. facere aut pati illud, quod tunc judicas Deo piè invocato, magis gratum ad ejus gloriam, ad tuam & multorum salutem & perfectionem; cum magna & hilari resignatione in omnem eventum accipiendum, magnâ subjectione, fiduciâ & amore à Deo, qui omnia disponet bene: spreto omni alio respectu & emolumento aut incommodo tuo. Sic etiam agere actionem, quamvis & minimam V. g. gressum, verbum, jactum oculi, scriptam literam &c. Conf. die 2. n. 2. &c. Confid. die 8. §. 3. cum affectu, voluntate & desiderio præstandi plura, & majora, & digna Deo.

VIII. *Comestio aut quævis relaxatio.* 1. In æstimatione & affectu erga Deum solum, & finem. ( ex die 1. & 8. ) in contemptu & indifferentia ad quamvis creaturam ( die 2. med. 2. ) abjecto omni amore tui velut indignissimi ( conf. die 1. d. 3. med.

1. 2.) 2. Utere creaturâ ex voluntate & intentione Creatoris; intentione & exemplo Christi, intentione finis, vocationis in desiderio magno, V. g. Ut in te nutrias sanguinem Martyrio profundendum: in agnitione, gustu, & amore præsentis Dei (die 8. med. 2. 3.) velut Regiæ Matris nutrientis Filium de sua substantia in spem Regni æterni, sed per aspera consequendum. 3. Relinquere non necessaria amore Dei; cum affectu infinite plura & omnia relinquendi, simul juxta Regulas S. Ignatii de victu temperando,

IX. *A prandio*: Renovatio intentionis uti supra: perfectio meditationis. Examen particulare.

X. *Lectio libri spiritualis*. In hac præter Communionem, intentionem misceantur affectus, reflexio ad mores, propositum, petitio.

XI. *In examine conscientia generalis* (de quo vide præfationem pag. ) punctum primum est *gratiarum actio* de beneficiis: beneficia vide d. 1. m. 2. d. 2. m. 1. d. 3. m. 1. d. 5. 7. d. 8. med. 2. 3. Gratiarum actio sit in agnitione, admiratione, gaudio de beneficiis, cum animo grato & benevolente in benefactorem. Beneficia ducas omnia, quæ Deus & tibi & amatis contulit. V. g. Gloriam magnam Dei, Christi, B. V. Sanctorum, omnia omnibus collata: bona in te collata æstimabis ex diei octavæ med. de amore, punct. 1. pag. ex horum agnitione nascitur mutua benevolentia & amor, ex amore desiderium exhibendi valde grata omnia: ex hoc desiderio studium inquirendi in defectus, eosque expiandi, emen-

emendandi & compensandi. Ad beneficia addi potest punctum unum passionis Christi, ut pro ea & per eam Deo magnas gratias exhibeas.

*Discussio* fit de peccatis admissis, etiam minimis, peccatorum periculis & radicibus: deinde de bonis omissis pro statu & officio: 3. De imperfectionibus admissis in ipso opere bono, gratiâ neglectâ, & gratiæ plenitudine. Venia delictorum, & petenda & concilianda, dolore concepto ex omnibus exercitiorum materiis V. g. ex obligatione & felicitate finis & vocationis &c. maximè ex die 3. & 4. amore item Christi die 5. 7. & amore Dei d. 8. &c. conetur dolor, quantum licet, æquare causam dolendi. *Propositum* fiat non solum emendandi, sed damna defectuum non obiter compensandi: motiva sunt eadem, quæ dolendi.

XII. *Preparatio ad Meditationem* diei sequentis juxta praxin in præfatione pag.

XIII. *Pietas Vespertina*. Claudes diem illis actibus, quibus cupies vitam claudere fide, scilicet, & spe, desiderio & intentione, finis tum universim, tum per ipsum somnum, amore, gratiarum actione, dolore de peccatis, oblatione (vid. Confid. die 8. pag. ) commendatione ad Deum, Christum, B. V. Sanctos &c. commendatione tui & tuorum... hâc nocte morientium &c. pactum cum Deo, Christo, B. V. de omnibus totius noctis momentis, suspiriis, idem coram Deo valituris.

§. *status. Varia per Diem.*

1. *Actus Virtutum*. V. g. Fidei... concipe excellentiam divinam omni fide dignam, sapientiam

○

& ve-

& veracitatem loquentem: exaggera juxta dicta Confid. die 8. §. 2. hanc lauda, ama (amore gratitudinis, & absoluto) hanc reverere, ut velis obsequium illi gratissimum præstare; cum ejus revelatio per Ecclesiam, per Christum, in Christo in Ecclesia teneatur tam certo argumento & testimonio. Crede itaque assensu supra omnia firmissimo cum reverentiâ, amore & gaudio multo. Crede Deo loquenti V. g. ea, quæ proponuntur d. 1. d. 2. d. 5. d. 8. Conf. §. 1. offer testem sanguinem & vitam: opta, ora, procura simile à multis aliis obsequium. Simili modo pro *spe & fiducia* exaggera Dei bonitatem, providentiam, Mediatorem & media, potentiam, & fidelitatem promittentis, &c. similia pro aliis virtutibus vide Confid. die 8. §. 3. n. 3. in fine. Injuriam facit Deo, qui infinitis Dei perfectionibus credit, fidit &c. in parvis tantum, ac deficit in aliis. In magnis magnam gloriam præstas Deo, & Dei perfectionibus infinitè superantibus tuam miseram necessitatem & indignitatem. Speranda itaque sunt remissio benigna peccatorum, gratia & amicitia Dei, gratiæ & auxilia magna supernaturalia ad salutem & perfectionem pro cujusvis statu, acceptatio operum ad divinum magnum beneplacitum, ad augmentum magnum gratiæ & gloriæ, exauditio precum, gratiæ denique finalis. Atque hæc omnia futura spera, si tu adhibeas data à Deo media, Sacramenta, preces, conatum.

2. *Præsentia Dei* habenda & fovenda semper: modus illius hic esse potest: si in pietate aut meditatione

ditatione matutina Deus in suis perfectionibus, absolutis, & respectivis, valde exaggeratis per fidem propositus fuerit ( de quo Confid. d. 8. ) & congruis desideriiis affectibusque cultus; facile per diem renovari potest cogitatio similis de Deo, non per imaginationem, quæ nocet capiti, sed per memoriam: hæc facile erit fides & laus Dei: mox eliciatur fides certa, quod iste tam bonus Deus & hic coram in sua substantia adsit, & clarissime te tuaque omnia pervideat, tui memor in omni suâ bonitate & promissione, & tecum & omnia agat, & acturus sit pro æterna sua & tua gloria.

Hunc actum præsentia sequentur mox multi affectus boni: gaudium, veneratio, amor, fiducia, cautela purissima peccatorum, intentio optima, & perfectio operum; aspirationes variarum virtutum humiliatio, oblatio, deprecatio, resignatio, petitio &c. die 8. Conf. Vide Lancitii opusc. XI. simili modo haberi potest præsentia Christi, B. V. Mariæ, sanctorum Patronorum &c. non quidem corpore aut substantiâ, sed oculo in te affectuque intento præsentium: ista præsentia foveri potest, unâ cum istis affectibus ad omnem rem & objectum, ex d. 8. m. 2. & 3. tertio Cultus & veneratio Sanctorum d. 8. Conf. §. 2. in fine §. 3. n. 1. 2. & 3. in fine.

3. *Orationes jaculatoria* sunt in dicta Dei & Sanctorum præsentia varii erga illos affectus & aspirationes breves, de quibus modò dictum n. 2. earum usus est varius, V. g. in occurſu cujusvis rei, ex d. 8. m. 3. Ad formandam aut renovandam

intentionem v. g. Tibi Deus meus, quia dignus es d. 1. d. 3. d. 5. d. 7. d. 8. Filio & matri tuæ &c. d. 8. Conf. §. 2. 3. faciam, quia amo; facio, quia credo d. 1. d. 8. &c. facio quia spero d. 1. d. 5. &c. facio, quia revereor, servio &c. tibi Creator meus, tibi felicitas mea, tibi amator meus, tibi omne bonum &c. In tentationibus V. g. non offendam te, quia revereor d. 1. quia timeo d. 2. 3. 4. quia amâsti; d. 5. 7. quia amo &c. d. 7. 8. non ita Christus egit; nec ego d. 5. &c. In variis objectis v. g. Patientiæ: patior, quia dignus es Domine d. 1. d. 8. patior, quia meritus sum d. 3. patior, quia dignus sum d. 1. Conf. patior, quia spero d. 8. m. i. patior, quia amo te d. 8. patior cum patiente JESU d. 7. In omnibus objectis elevando animum ad Deum die 8. med. 1. 2. 3. in omnibus quærendo occasionem & actum humiliationis Conf. d. 1. In variâ necessitate propriâ vel alienâ, petitio. In omnibus multa & frequens gratiarum actio. *Pro tempore anni* vario, eliciendo affectus congruos V. g. gaudii, tempore paschatis &c. tempore omni vacuo actus etiam poterunt fieri, eundo cum laude per omnes perfectiones & titulos Dei, ordine Alphabeti v. g. Amabilis Deus, Benevolus Deus &c. Amor meus: Beatitudo mea &c. d. 8. Conf. §. 1. & 3. &c. Item per actus similes: Amo te Deus, Benedico te, Colo te, Desidero &c. similia fieri possunt ad Christum, B. V. & Sanctos repetendo textum aliquem Scripturæ, quales ponuntur per singulos dies. Repeti etiam potest sæpe idem affectus, &  
repe-

repetendo intendi: ita repetebat S. Franciscus:  
Deus meus & omnia! Deus meus & omnia! &c.

NB. Affectus suggerunt omnes materiæ ac penè singula meditationum puncta, uti & considerationes, præcipuè conf. diei 8.

In *omnibus eventibus* necessariis, fortuitis, liberis, tuis & alienis; præteritis, præsentibus & futuris agnoscere, laudare, gratias agere, amare, d. 1. m. 3. venerari d. 1. conf. servire Deo & Dei perfectionibus, (d. 8. conf. §. 1.) & voluntati, scientis, facientis, volentis aut permittentis omnia, ex sapientia, consilio & bonitate sua, quæ sunt supra omne factum in omni eventu, & cuncta omnia nunc deinceps erunt d. 2. m. 1. d. 8. med. 3. In omni eventu, minimo & pessimo, in Domino & de bono gaude, quod aut est, aut futurum est die 8. Dei supremo consilio & voluntate, magno amore, fiducia & submissione. Fiat idem in *adversis* die 1. die 2. med. 3. ex confid. die 1. ex die 5. & 7. die 8. med. de amore. In *prosperis* cogita, quid hoc ad majus beneplacitum Dei? quid dignum & aptum sine tuo? d. 1. m. 1. 2. 3. quid dignum nihilo tuo & peccatis tuis? die 1. conf. d. 3. quid ad placandum Deum? d. 3. quid ad æternitatem? d. 4. ad amorem & exemplum Christi? d. 5. 7. quid ad placendum & fruendum Deo? d. 8. vid. d. 2. m. 2.

4. *Mortificatio perpetua*. Ejus motiva sunt singulæ materiæ Exercitiorum V. g. finis, nihilum tuum, expiatio peccatorum, amor Christi, spes & unio cum Deo.

5. *In omni re deliberanda, suadenda &c. vide materiam de electione pag. præmissâ agnitione tui, qui prorsus nihil boni, scis, habes, potes, mereris &c. Confid. 1.*

6. *Ad sonitum quemvis hora: dicto Ave, potest compendio renovari totius diei pietas, & intentio statui & officio congrua. Hæc institui posset per Christum, dividendo totam ejus passionem, per totidem horas, & assignando singulis mysterium illo circiter tempore gestum: V.g. horâ septimâ vespertinâ, sanguineum sudorem, &c. Amare tunc Christum in eo statu, affectu & amore omnium, quorum causâ patitur; ac cum ipso mox Deum laudare, amare, revereri, offerre, per ipsum deprecari, renovare propositum Examinis particularis &c. petere. Ora etiam pro Morituris hæc horâ, Defunctis, Vivis, tibi commendatis.*

7. *Visitatio Venerabilis Sacramenti. Si cui vacaret ad visitandum interdium septies Venerabile; possent singulis visitationibus assumi septem dies Exercitiorum; ita ut per Christum illic te expectantem benignè ( d. 8. conf. §. 1. 2. item in fine feriâ quintâ ) ad magnam Dei gloriam & tuam perfectionem cum Christo, in Christo prius adorato & amato omni omnium affectu, exerceas & renoves singulorum dierum affectus, desideria, proposita, petâsque pro te & aliis à Deo, Christo, B. V. & Sanctis &c. memento moribundorum & defunctorum.*

8. *In Tentatione, occupandus vivaciter intellectus,*

ctus, atque etiam affectus voluntatis, magno aliquo objecto multum superante objectum tentationis, V. g. de perfectionibus præsentis Dei d. 8. confid. Christi d. 7. d. 5. B. V. Sanctorum d. 8. Conf. §. 3. &c. de beneficiis & bonitate Dei d. 8. m. 2. 3. de felicitate beatitudinis & præmii d. 1. d. 8. m. 1. de justitia Dei, gravitate pœnæ & culpæ d. 3. de æternitate, morte d. 4. &c. renovanda lumina & proposita Exercitiorum, atque ex his confirmanda voluntas in bono, superanda tentatio, maximè, si accedat omnis rei creatæ contemptus d. 2, m. 2. 3.

9. *In quovis officio, ac negotio majoris momenti.*  
 Considera finem proximum & ultimum in cælo, cum Deo, cujus negotium agis intentum per hoc officium, ab ipso & Christo & B. V. Ss. expectatum; æstima horum & finis altitudinem, amabilitatem, felicitatem; ad modum d. 1. m. 1. 2. 3. d. 5. m. 1. sit æstimatio digna, amor, desiderium, oblatio tui, petitio, spes d. 2. m. 1. d. 5. m. 1. p. 1. humiliatio tui d. 1. conf. ob quam non nisi Deo instrumentum boni es. Ut verò bonum instrumentum sis, esto Deo, Divis & conjunctus gratiâ, amicitia & amore, præsentia, intentione, conformitate, imitatione, consilio, prece & alloquio, d. 5. m. 1. p. 3. d. 8. nullo ducaris alio respectu, amore aut timore d. 2. m. 2. 3. d. 5. m. 1. p. 1. 3. nunquam Deo desis, aut illius gratiæ d. 2. m. 1. velis autem non nisi instrumentum esse d. 1. conf. & omnem eventum relinquere abyfso divinæ bonitatis, ejusque voluntati ac judiciis. d. 8. conf. d. 1.

m. 3. p. 1. interea, dum tu hoc agis, Deus omnia bene aget, & hîc & alibi.

10. *Gaudium & quies* solum & semper erit; in mero nihilo & annihilatione tui & creaturarum, & intellectu & voluntate. Conf. d. 1. d. 2, m. 2. in solo fine tuo, die 1. & 2. amore Christi, die 5. 7. in unione & voluntate Dei amati, die 8. atque hæc in magna fiducia conf. die 1. §. 3. n. 1. 3. die 2. med. 1. p. 1. die 5. m. 1. die 8. conf. §. 3. n. 6. Append. §. 5. n. 1. n. 9.

*Varia circa Proximum.*

**I**N quovis proximo æstima & ama vivam & æternam Dei imaginem, auctoris capacem die 1. med. 1. &c. à Christo amatam & emptam d. 5. med. 1. die 6. 7. perfectiones Dei operantes & communicatas, die 8. med. 2. 3. sic ipsum, & in ipso Deum, omni humilitate & amore prosequere.

I. *Communis Intentio* in omnibus circa proximum actionibus, hæc sit; ut Deus, Christus, B. V. Sancti omnes, magnum hæc tuâ actione habeant à te obsequium & beneplacitum; ideóque fiat ad modum omni actioni communem. Deinde, fiat, ut etiam & à proximo, in proximo magnum habeant Deus & Sancti obsequium & æternum beneplacitum; quod ipsum intendere potes etiam in obsequiis indifferentibus, eo scilicet animo, quo etiam Deus dat naturalia V.g. cibum & potum. 3tiò: Ut ipsis animabus, quæ Dei sunt, magnum & æternum bonum procures, æternum malum amoliaris die 5. 6. Conf. die 8. Addi potest

test intentio, delendi hoc modo tua multa delicta & negligentias in Dei obsequio admittas d. 3. & 4.

Addenda intentio ipsius Christi, die 5. Praxis verò in omnibus actionibus erga proximum, tum ad excitandum zelum, tum ad observandum modum erit, juxta diei 5. med. 1. die 7. conf. n. 6.

Multa fiat & enixa precatio, ut & tua actio multum fructum habeat, & aliorum toto orbe; item pro animabus multis; maximè, de quibus ratio tibi incumbit reddenda.

II. *Conversatio* ex sola intentione prædicta instituat: non fortuitò; sed ex destinato fine, fructu, & modo, minutim circa verba & opera omnia. Testes hujus intentionis, Christi imitationis, sint singula verba, omnis actio & conversatio. die 5. med. 1. die 7. Conf.

3. *Consilium* si dare oporteat, fiat ad regulas Electionis. Conf. die 6.

4. *Solacium* ex motivis singulorum dierum V. g. d. 2. m. 3. d. 1. m. 3. maxime d. 7 & d. 8. m. 1. 2. & c.

5. *Concionis*, vix melior alius modus, quàm & materias Exercitiorum proponere per vices, & movere intellectum cum voluntate, juxta methodum meditandi propositam in Exercitiis.

6. *In Confessione* audienda; motiva contritionis & propositi, & praxes emendandi, copiosè suggerunt Exercitia tota pro cujuscunque conditione. Vid. §. hic 1. n. 3.

7. *Pro Ægrotis & Moribundis*, & solacium passim suppetit. Actus eliciendos vide Conf. die 8. Item §. superiore n. 3.

8. Denique omnis directionis affectivæ tuta  
amissis esse possunt Exercitia S. P. IGNATII.



MEDITATIONES  
PER TOTUM ANNUM  
E X

EXERCITIIS S. P. IGNATII

**D**ie quâvis Dominicâ sumi potest dictum ali-  
quod, aut mysterium ex Evangelio occur-  
rente, cujus occasione recolatur aliqua exercitio-  
rum veritas cum ejusdem prosecutione per tres  
ferias sequentes. Feriâ quintâ meditatio utiliter  
instituetur de Ss. Eucharistia. Feriâ 6. de Passione  
Domini. Sabbatho de B. V. Maria; omnia juxta  
methodum Exercitiorum, ex quibus materia as-  
signabitur.

*Dominicâ primâ Adventûs.*

*Ecce Rex tuus venit:* Matth. 21. *Scopus;* ex my-  
sterio, & beneficio Incarnationis, & Christi in  
mundum venientis, discere perfectionem. *Primò:*  
Fundamenti die 1. m. 3. d. 2. m. 1. *Secundo:* Pec-  
cati fugiendi d. 3. *Tertiò:* Amoris & imitationis  
Christi d. 5. d. 7. *Quartò:* Quærendæ unionis  
cum Deo d. 8. m. 3. p. 1. docebit hanc unio hypo-  
statica in Christo, vide die 5. med. 2. Ad ejus mo-  
dum fiant similes meditationes.

*Dominicâ secundâ Adventûs.*

*Tunc videbunt filium hominis cum potestate magna,  
& majestate.* Luc. 21. *Scopus;* sancto timore Chri-  
sti olim Judicis duci ad perfecta. vide die quintâ  
med.